

119. Jetzt kimmt da schön Frühling beizeitn

1. Jetzt kimmt da schön Früh - ling bei - zeitn, juch - he, des
bringt mir groß Freud, daß i zu mein Dean - dl ko'
rei - tn, zum Geh war's ma oh - ne - wegs z'weit!

2. Äft nimm i mei Schimmerl zum Reitn und reit hält den greanen Wäld ei, wo d'Vögal so liabli toant pfeifn, und's geht a kühls Winderl herei.
3. Äft reit i hinauf übers Bergerl, då sah i die Hüttn scho a weng, mei Herz, däs is so voller Freudn, sobäld i auf d'Schwoagarin denk.
4. Äft reit i a kloans bissal füari, häng's Schimmerl an Tännabam o, äft geh i hält zuawi zu da Hüttn, beim Schläffensterl klopf i hält o.
5. Då tua i heraus meine Trommeln und trommel a Tanzerl hinein, die Schwogarin wår eh scho lång munta, des tuat jå mei Herzerl scho freun.
6. »Jå Schwogarin, bist du vom Schläf munter ? Mecht gern a Wort redn mit dir! Du wirst mi hält sicher auslåcha, i håb mei kloans Schimmerl bei mir. «
7. »Ha, Bua, warum denn auslåcha ? Mi freuts, daß d'mi hoamsuachst amål, du derfst jå dei Schimmerl scho nehma, håst no a zwölf Rösserl in Ståll!«
8. »Ha, Schwogarin, um wås tat i bitten ? Fürs Schimmerl a kloans Büschal Heu, daß i'n no a weni kånn füattan dort unt bei da Tånna hiebei.«
9. »A Heu und a Bett will i dir gebn, um des derfst di sorgn går nia, es werd jå dein Schimmerl nix gschechn, i wer dir jå guatsteh dafür.«
10. Die Schwogarin kocht mir a Nächtmåhl und führt mi in d'Hüttn hinein, a Brot und a Butta tuats gebn und an brinnrotn Steiarawein.
11. Äft san ma a Stündl, a zwoa gsessn, då brach die Morgnröt o, då hån i mei Schimmerl schnell gsättlt und reit hält schö gütli davo.
12. Äft reit i hinaus übers Bergerl, då hör i an Jagahund böin, dån bin i wohl freila daschrocka, war båld übers Schimmerl ogföin.

Aus Oberbayern

Quellen: Text nach Kiem Pauli, Sammlung Oberbayrischer Volkslieder, München 1934, S. 302;

Melodie nach Franz Ziska und J. Maximilian Schottky, Osterreichische Volkslieder, Pest 1819, S.41

Worterkklärungen: äft dann, nachher; Trommel = (hier für) Maultrommel; hoamsuachst = besuchst; Steiarawein Wein aus der Steiermark; böin = bellen; ogfoin = hinuntergefallen